

# საქართველო

პრესული მუშაობის პირობები - პრესული მუშაობის პირობები



№ 34 (1435) 14 - 20 ოქტომბერი 1995 წ.

საქართველოს გამართიანებული რესპუბლიკური პარტია  
სოციალ-დემოკრატიული საზოგადოებრივ-პოლიტიკური გაერთიანება  
გამოცემის დასაწყისი 1908-1909, 1915-1921 წ.წ. აღდგენილია 1989 წელს.

**ყველაფერში  
დამნაშავე უნდა  
ხარ!...**  
XXI საუკუნეში -  
შეზარდადების ბარათი  
მეამბავსა გვერდი

**რა მოხდა  
საქართველოში  
დაგნეული მოქალაქის  
ჩანაწერები**  
მეამბავსა გვერდი

**როგორ  
გახდა ჯაბა  
იოსელიანი  
... ტორტი**  
მეამბავსა გვერდი

**ღია  
წერილი**  
საქართველოს პარლამენტის  
თავმჯდომარეს - სახელმწიფოს  
მეთაურს ბატონ ვ. შევარდნაძეს  
ბატონო სახელმწიფოს  
მეთაურო!

**ნავთზე სეცსელი?**  
10 ოქტომბერს გაჩნდა ხანძარი უნივერსიტეტის II კორპუსის შენობაში. დაიწვა შენობის ნაწილი.  
11 ოქტომბერს ცეცხლა მოედო აეროპორტის შენობის სახურავს დროულად მიღებული ზომების  
წყალობით ხანძარი ჩაქრეს.  
შესაძლოა ეს ყველაფერი — მხოლოდ შემთხვევითობა და არავითარ დივიდენდს ადგილი არა აქვს მარამ  
არაკვეთილი ეპიკური მინც ჩნდება. მას შემდეგ, რაც საერთაშორისო კონსორციუმმა შილო „კომპრომიზული“  
გადაწყვეტილება კასპის ნავთობის პორტულადი პარტის მარშრუტის შესახებ — ნახევარი რუსეთის, ნახევარი  
საქართველოს გზით — ზოგ-ზოგები, სექტორულ-ოპოზიციონერთა რიგებიდან ვარაუდობდნენ, რომ არ არის  
გამორჩეული დაიწყო დესტაბილიზაციის ახალი ეტაპი. მათი აზრით, რუსეთისათვის იმდენად მნიშვნელოვანი  
არ იყო საკუთრივ მის ტერიტორიაზე ნავთობსადენის გაგება, რამდენადაც ის, რომ მას არ გვეყოლო საქართვე-  
ლოში კონსორციუმის „კომპრომიზი“, ფაქტურად ქართულ-თურქული ვარიანტის გამარჯვება, რასაც რუსეთი  
ასე იოლად არ „ჩაუღაპავს“, და თუმცა თვით რუსეთის სახელისუფლო სტრუქტურებში, დღეს, როგორც  
იტყვიან, დღეა შვილს არ აუყვანს ხელში, მაგრამ ზომ გააგონათ: აქვთ ისე არ დაეცემა... და ა.შ.  
ერთი რამ კი მართლაც ცხადზე უცხადესია. თუ ხანძრები და სხვა მსგავსი უბედურებები კიდევ  
გაგრძელდება, მაშინ ეპიკური დესტაბილიზაციის ინსპირირებაზე (და ინსპირატორზე) ვარაუდი კი აღარ იქნება.  
არამედ დივიდენდი.

რეზო ახვლედიანი

**პრეზიდენტობას რა  
უნდა...**  
6 ოქტომბერს პრეზიდენტობის კანდიდატმა ქართლოს ღარიბაშვილმა  
ჟურნალისტთა სახლში პრეს-კონფერენციაზე მისულ ჟურნალისტებს რომ  
გადაელო თვალი, აღფრთოვანება ვერ დამალა: ეს რამდენი ხალხი მოსულა  
და, თქვენ წარმოიდგინეთ, რა ამბავი იქნება, პრეზიდენტად რომ  
ამირჩევენო (ისე აშენდა ეს ქვეყანა, როგორც თქვენ პრეზიდენტად არ  
აგირჩევენ, ბატონო ქართლოს, მაგრამ ნათქვამია, კაცი იმედით ცოცხ-  
ლობსო...)  
**ბზა პოლიტიკისაჰენ**  
ქართლოს ღარიბაშვილმა ჯერ თავისი  
ბიოგრაფიის თხრობით დაგვატყუო (ალაგ-  
ალაგ ისეთი სენტიმენტალურ-ლირიული  
გადახვევებით, რომ ალბათ ზოგიერთებს  
თვალზე ცრემლიც კი მოადგათ). შემდეგ  
ისაუბრა მთელ რიგ წარუმატებელ არჩევ-  
ნებზე, რომელშიც წლების მანძილზე ლე-  
ბულობდა მონაწილეობას. ბოლოს კი,  
„როცა მარტო ბრძოლით ვერაფერს გახ-  
და“, ჩამოაყალიბა დემოკრატიული პარტია  
და როგორც თვითონ თქვა, „პარლამენტ-  
ში კი არ შევიდა, შეანგრია კარი“, სადაც  
ის იყო ერთ-ერთი „მოჩვენებრივი დეპუტა-  
ტი“.  
შეკითხვაზე, თუ რით განსხვავდება  
მისი პოზიცია დანარჩენი კანდიდატების  
პოზიციისაგან, ასეთი პასუხი გასცა: მე ერ-  
თადერთი ვარ, ვინც არასოდეს ყოფილა  
კომუნისტური პარტიის წევრი. მთავრო-  
ბის პარტულ ფუნქციონერებს გამოცდი-  
ლება აქვთ მხოლოდ ე.წ. ვერტიკალურ  
ურთიერთობებში, არაფერი იციან პორ-

გაგრძელება მე-7 გვ.

**ჯაბა იოსელიანი:  
მე რას  
ვიბრძოლა,  
მეუღლე,  
გაღვრება  
პრაპინ ვითხრა...**



საზოგადოება „არჩევნები“ წინა-  
საარჩევნო კამპანიაში ჩაება. საზოგა-  
დოების ნომერ პირველმა კანდიდატ-  
მა ჯაბა იოსელიანმა და „არჩევნების“  
წევრებმა პრეს-კონფერენცია გამარ-  
თეს

**დრონი მეუღლენ, არა  
მეუღენი**

ყოფილი დრონი, როცა ჯაბა იოსელიანის პრეს-  
კონფერენციაზე წესდებოდა, არსად ჩავარდებოდა.  
პრესაც ბლომად იყო და ტელევიზიაც. თოფ-  
იარაღში ჩამჯდარი ბიჭები „შუსტრად“ ტრია-  
ლდებდნენ და თვალებს აბრიალებდნენ. დღეს ეს  
თოფიანი ბიჭები თქვენც კარგად მოგეხსენებათ.  
სადაც არიან „გაუსკანაშვლები“. უკრაინის ტემის  
იდმა ნაწილმაც თავი არ გაიცხვდა პრეს-კონ-  
ფერენციაზე მოსვლით. ასე, რომ გამოცემლობა

გაგრძელება მე-2 გვ.

როგორც იცით, საბჭოთა რუსეთის მიერ  
1921 წელს საქართველოს დაპყრობისა და ანექსი-  
ის შემდეგ საქართველოს ტერიტორიაზე მდინარე-  
ების ფრონეს, დიდი ლიხვის, პატარა ლიხვის,  
ლხურასა და ქსნის ხეობათა შემოწმული უკანონო  
წილი შეიქმნა „სამხრეთ ოსეთის ავტონომიური  
ოლქი“. საქართველოს ტერიტორიის ერთ ნაწილს  
„ოსეთი“ დაერქვა. ეს აქტი შესრულდა უცხო ძა-  
ლის — ბოლშევიკური რუსეთის მიერ და მისი  
მიზანი იყო საქართველოში ანტიქართული ამბო-  
ხების მუდმივი საშინაოების შექმნა, კავკასიონის  
სამხრეთით რუსეთისთვის პლაცდარმის დამკვიდ-  
რება, საქართველოზე რუსეთის ზეგავლენის კიდევ  
ერთი მუდმივი შესაძლებლობის მოპოვება. ისიც  
მოგეხსენებათ, რომ ოსური მოსახლეობა ლიხვის  
სათავეებში ბრველად გაჩნდა XVII საუკუნეში.

ბოლო მისი მახორბი შემოხვდა დაიწყო 1864  
წლის შემდეგ, როცა ბატონუმობის გაუქმების შე-  
დეგად ყმბდაკარგულმა მემამულეებმა ჩრდილო  
კავკასიიდან ოსი ჯორჯების ზიანთან შემოყვანას  
მიმყვეს ხელი. ცნინვალელოს ხელისუფალთა მიერ  
1900 წლის დამოუკიდებლობის გამოცხადე-  
ბის და იმავე წლის 11 დეკემბერს საქართველოს  
რესპუბლიკის უზენაესი საბჭოს მიერ უკანონო  
გზით შექმნილი ტერიტორიული ერთეულის —  
„სამხრეთ ოსეთის ავტონომიური ოლქის“ გაუქმე-  
ბის მომსწრე ბრძანდებით. ეს უკანასკნელი აქტი  
აუცილებელი გახლდათ: რაკი საქართველოში ბა-  
ლხის მიერ არჩეული კანონიერი ხელისუფლება  
შეიქმნა (1900 წლის 28.X არჩევნების შედეგად),  
იგი მოვლედ იყო ეს ნაბიჯი გადაეღვა, ვინაიდან  
წინააღმდეგ შემთხვევაში იგი თანამონაწილე ხდე-  
ბოდა იმ დანაშაულისა საქართველოს წინააღმ-  
დეგ, რომელიც იმ უკანონო ავტონომიის შექმნაში  
მდგომარეობდა, და მასზე პასუხისმგებელი.  
1992 წელს თქვენ, იმ დროს სახელმწიფო  
საბჭოს თავმჯდომარე, დესთანხმდით სამშვიდობო  
ძალების მანდატით რუსეთის შეიარაღებული ძა-  
ლების აღჭურვას და მათს განლაგებას, ოსურ და  
ქართულ შეიარაღებულ ძალებთან ერთად არა  
მარტო კონფლიქტის რეალურად არსებულ ზონა-  
ში, არამედ ყოფილი ავტონომიის დანარჩენ ტერი-  
ტორიაზეც. რუსეთის ამ შეიარაღებული ძალების  
ფუნქციონირება აქ, ისევე როგორც აფხაზეთში,  
საქართველოს ინტერესთა საწინააღმდეგოდაა მი-  
მართული. ოსი ლტოლვილები დაბრუნებულნი  
არიან და ოსი ბანდები შეიარაღებულნი, ბოლო  
ქართველი ლტოლვილები კვლავ ლტოლვილნი  
არიან და ქართველი მოსახლეობა — განიარაღე-  
ბული.

ამჟამად საქართველოში იმყოფება და განსა-  
კუთრებით ქართულ-ოსური კონფლიქტის თემაზე  
მუშაობს ევრო-ოს (ევროპაში უშიშროების და თა-  
ნამშრომლობის ორგანიზაციის) მისია, რომელმაც  
შეიმუშავა და წინადადების სახით წარმოუდგინა  
კონფლიქტის მხარეებს კონფლიქტის მოგვარების  
ისეთი გეგმა, რომელიც საქართველოსთვის მიუ-  
ღებელია. კერძოდ, კვლავ ოსური ტერიტორიული  
ავტონომიის შექმნის, მისთვის „ოსეთის“ დარქმე-  
ვის და მველთან შედარებით მისთვის კიდევ უფრო  
გაფართოებული უფლებების მიცემის გეგმა. ამ  
წინადადებათა ანტიქართული (პროოსური) ხასი-  
ათის ილუსტრირება მალაინ იდვილია და ეს გააკე-  
თა კიდევ პარლამენტის წევრთა დიდმა ჯგუფმა,  
ბატონებთან ანაქრატისთან. მამაჟავრიანთან და  
შ. ნალიჩაშვილთან ერთად, რომელთაც აღნიშნეს,  
რომ


ა) გეგმაში უკუღმეფეყოფილია იმ 100 ათასი  
ოსის ინტერესები, რომლებიც ყოფილი ავტონომიის  
ფარგლებს გარეთ ცხოვრობენ საქართველოში (მა-  
შინ, როცა ყოფილ ავტონომიაში მხოლოდ 60 ათ-  
საგრძელება მე-8 გვ.





# ჩვენ გაბიყვანთ სამ

## რესპუბლიკელების წინასწარჩვენო პრეზენტაცია



### ნოდარ ნათიაძე

(№1 მთაწმინდის ოლქი)  
პარლამენტში გაერო, გნოლის  
ჯოგსა ვითა ქორი.  
კაცი კაცსა შემოსტყორცნა,  
არ დაინდო ბარე ორი,  
მასთან ყველა მოპაექრე  
ბრუნავს ვითა ტანჯორი,  
მთაწმინდაზე კანდიდატი  
სხვა ვინ ნახოთ მიხი სწორი.

## თედო პაატაშვილი

(№25 შალკის რაიონი)



მაქვს მკერდს მიღებული მიკროფონი ძველი,  
ჩემთვის გამობრწყინდა ჟამი საბრძოლველი,  
კარგად ამირჩია, ვინაც ამირჩია, როცა ამირჩია  
როგორც ქართველი.  
ახლა ისევ ისე ურნებთან მოგულით,  
წალკაში მივდივარ მე, ძველი ვერული  
ისევ ამირჩიეთ, კარგად ამირჩიეთ,  
ახლაც ამირჩიეთ.

ვით რესპუბლიკელი.

## მასტანბ ძაბირაძე


(№51 ზესტაფონის ოლქი)



ამას, იმას რომ  
ძაბირაძე არ ავირჩიოთ,  
ხოლო მისა წილ  
„მოქვეყნირლებს“ ავუბათ მხარი,  
ვინ მოგვიწონებს,  
ანდა რატომ მოგვიწონებენ,  
ერთი მითხარი.  
ვასტანგის ადგილს ვერ დაიჭერს  
ვინმე ხერუა,  
დაგვექცევა საქართველო  
თვალს და ხელს შუა.

## მასტანბ ხმალაძე

(№2, შაპის ოლქი)



განა მე ხმალი არ მიკვეთს, ან  
სიმახვილე ენისა,  
პარლამენტს მივაღებინე  
კონსტიტუცია ერისა,  
ვაკეში მე ხმებს მომცემენ, ამას  
არ უნდა მისანი,  
არვისგან დაიწუნება რესპუბლიკელთა  
მიზანი.

## დავით ბერძენიშვილი

(№9 ნაძალადევის ოლქი)



ისმინე ამომრჩეველო, მიჰყევ  
დავითის მცნებასა,  
ჯერ მწარე ჭამეთ, აწ ტკბილი —  
არ დაჰყვეთ ჯაბას ნებასა.  
ბერძენიშვილის არჩევა სუყველას  
მოგვევრით შვებასა,  
რას ვამბობ იმას ვასრულებ,  
სიტყვას არ ვაგდებ მე ბანსა.

## უმთა ნადირაშვილი


(№41 ნინოწმინდის ოლქი)



მას არ ამშვენებს ხარისხი,  
თავად ამშვენებს ხარისხსა.  
ხმა მივცეთ უნდა თამამად, —  
რქანიც ხნავს ბებურ ხარისა.

## ივლიანე ხაინდრაგა

(№3 საბურთალოს ოლქი)



ამაოა ეს ცხოვრება, აქ მოკლეზე  
ვერვინ გავა,  
წუთისოფელს ეომება ზოგი ლეკად,  
ზოგი პრაკად,  
მოშორდები პოლიტიკას, მაინც  
ჩხუბი, მაინც დავა,  
წადი, წადი პარლამენტში,  
პარლამენტში ხაინდრაგა.

## ნოდარ ბრიგალაშვილი


(№36 ბორჯომის ოლქი)



ქვეყანას რადგან უჭირს ძალიან,  
ქვეყანა რადგან არის დაშლილი,  
დავდგეთ იქ სადაც ქარიშხალია,  
და ნოდარი დგას გრივალაშვილი.

## რომან გოციშიძე

(№8 დიდუბის ოლქი)



საქართველოში კი არა,  
ამერიკაშიც იციან —  
ვახვრეტილ გროშის ფახია  
უშენოდ ოპოზიცია.

## თამაზ დიასამიძე

(ბარბიშლი სიით)



აჭარელი ვიყავ განა,  
გულფიცხი და შავგვრემანა.  
პარლამენტშიც სიტყვა მიოქვამს,  
უსაქმური ვიყავ განა.  
დემესიენ უბირები  
აქ რჩეულა, იქ ასლანა.  
გავკარი და გამოვკარი,  
არ დამჭირდა ბაბას დანა.  
თუ ხელახლა ამამირჩევთ,  
ქაც ვაცეკვებ განდაგანას.

# პირობებს



## ოთარ ჯოიძე


(№88 ხელშეკრულების ოლქი)

ოთარ თქვა: მიწა რბილია, სიტყვას მით უნდა დანდობა. ერთხელ ჯობია არჩევა სულ მუდამ კანდიდატობას.

## ბურამ ბერიშვილი

(№7 ჩუღურეთის ოლქი)


ბერიშვილმა დაიქაღნა: „საქმეს ვიზამ საზარულსა, რჩეულიშვილს მშრალზე დავსვამ ჰისით გამოიჭრის ყელსა“. ჩუღურეთში იდახიან: „ლავე ბიჭი არის ესა. სიტყვას არვის არ შეარჩენს, ღმერთი როგორ წაახდენსა სოციალისტ რჩეულიშვილს ნაღდად გვირჩევენია ესა“.



## ფრიდონ საყვარელიძე

(№24 დმანისის ოლქი)


დმანისისაკენ მივდივარ, ვერ მომაბრუნებს ქარიო; წინ შამყარა ედვარდი, წითლად უჩანდა მხარიო. ვამსგავსე ცეკას მდივანსა, ღმერთო, გვაშორე ავიო.



## ბესო ფარუაშვილი

(პარტიული სიით)

შენმან მზემან, უშენოსა არვის მიხვდეს კენჭი შენი, „მოქალაქეს“ ხმას არ მივცემ, მომივარდნენ, თუნდაც ბევრნი, თუ კინდა რომ გაიმარჯვო, გამოიღე შენაც ხელი, თორემ განა დაილია „თბილისელი“, თანაც ხელი?



# ნუ მოგერიდებათ თვითრეკლამის!

## ღია წერილი გაზეთ «საქართველოს» რედაქტორს

ბატონო რედაქტორო! მე თქვენი გაზეთის ერთ-ერთი რიგითი მკითხველი ვარ და გაერთიანებული რესპუბლიკური პარტიის გულშემატკივარი. შესაძლოა ჩემი აზრი ბევრს არაფერს ნიშნავდეს, მაგრამ ერთი მოკრძალებული შენიშვნის გამოთქმა მაინც საჭიროდ ჩავთვალე, იმედია არ მიწყენთ და კადნიერებაში არ ჩამომართმევთ.

ახლა კონკრეტულად: მე შეჩვენება, რომ პარტია, ყოველ შემთხვევაში ჯერჯერობით მაინც, ვერ ახერხებს საკუთარი საქმიანობის ჯეროვან რეკლამირებას. რის გამოც, ისეთი შთაბეჭდილება შეიძლება შეიქმნას, თითქოს რესპუბლიკელებს თავმოსაწონი არაფერი გააჩნიათ, არადა თუკი ვინმეს აქვს დღეს ხმა ამოსაღები, სწორედ რომ რესპუბლიკურ პარტიას.

რა მაქვს შეხედველობაში? დღეს ოფიციალურ პირდაპირ ყურთახმენა გამოგვიტედა მხედრიონელთა შავბნელი საქმეების მხილებით. არადა რესპუბლიკელები ჯერ კიდევ როდის მოითხოვდნენ „მხედრიონის“ დაშლას და „მაშველთა კორპუსის“ გაუქმებას. ამის შესახებ ბ-ნმა ნოდარ ნათაძემ თვით „მხედრიონის“ ყრილობაზეც კი განაცხადა. საპარლამენტო უმრავლესობა კი მაშინ, ჯაბა იოსელიანის ანეგდოტებზე ხითხითებდა...

რესპუბლიკელები ეროვნულ-დემოკრატიებთან ერთად ასევე აქტიურად მოითხოვდნენ უშიშროების შეფის, იგორ გიორგაძის გადაყენებას. შევარდნაძის მხარდაჭერი უმრავლესობა მაშინ მკერდით ეფარებოდა „კომანდორს“, ახლა კი, შორს რომ დაიგულეს, გუდას პირი მოხსნეს — თურმე გიორგაძე ქვეყნის დამაქცევარი და მთავარი ტერორისტი ყოფილა.

რესპუბლიკელები ყოველთვის კატეგორიულად მოუწოდებდნენ ყურადღება მიექციათ ეროვნული ვალუტისთვის, მაშინ, როცა „შევარდნაძისტებს“ სამანეთო ზონისკენ ეჭირათ თვალი.

პირველად სწორედ რესპუბლიკელთა ფრაქცია გამოვიდა წინადადებით, რათა სახელმწიფოს მეტაურს თვითონვე შეეთა-

ვსებინა აღმასრულებელი ხელისუფლების ხელმძღვანელობა (რამაც შემდგომში კონსტიტუციაში ჰპოვა ასახვა) და მაშინ ეს მოთხოვნა რატომღაც „არარეალურად“ იქნა გამოცხადებული. არადა ვინ უშლიდათ? ფაცაცია მოაწყობდა შეთქმულებას თუ ზურაბ კერვალიშვილი შექმნიდა შეიარაღებულ ფორმირებას?

იქნებ ისიც გავიხსენოთ, რესპუბლიკელთა მიერ შეთავაზებული მთავრობის რეორგანიზაციის პროექტიდან რამდენი რამ შევიდა კონსტიტუციაში. თავის დროზე კი შევარდნაძე ლამის აღშფოთებული იყო: ვინ თქვა ამ პროექტზე „შომავლის პროექტიაო“, რად გვიანდა, ვის სად დაკარგვიაო...

და საერთოდ: რომ არა რესპუბლიკელები, დღეს საქართველოს კონსტიტუცია არც ექნებოდა. სწორედ მათმა ხმებმა გადაწყვიტა კონსტიტუციის ბედი. და თუ ეს კონსტიტუცია იმაზე ბევრად უკეთესია, ვიდრე თავიდან იყო წარმოდგენილი, აქაც რესპუბლიკური პარტიის დამსახურება არცთუ უმნიშვნელოა.

მსგავსი ფაქტების გახსენება კიდევ შეიძლება. მაგრამ ჩემი ნათქვამი ერთია და ყველაფერ ამას სათანადო პროპაგანდისტული კამპანია ჭირდება. როცა ჯუმბერ პატიაშვილს ათასობით მხარდაჭერი გამოუჩნდება — ეს იმის უტყუარი ნიშანია, რომ ჩვენს საზოგადოებას ძლიერ მოკლე მესხიერება აქვს. ხალხს თავი ხშირ-ხშირად უნდა გაახსენო, მითუმეტეს, თუკი საოქმელი გაქვს. ასე რომ, თუ პარტია მეტ ყურადღებას დაუთმობს თვითრეკლამას, მხოლოდ მოიგებს. ამის საშუალება დღეს, წინასწარწევთ პერიოდში, (ვგულისხმობ მასობრივ საინფორმაციო საშუალებათა გამოყენებას) ნამდვილად არის. ბევრს საერთოდ არაფერი აქვს თავმოსაწონი, მაგრამ ამომრწევლს ასჯერ რომ ერთსა და იგივეს გაუმეორებ, ყველა თუ არა, ნახევარი მაინც დაიჯერებს.

პატივისცემით  
თამარ შარაზაღიშვილი  
ტაქნიკური უნივერსიტეტის  
დოცენტი





